



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XXVIII. Marcolphvs Elector XI.

[urn:nbn:de:hbz:466:1-64326](#)

tiæ ob fidem sibi constanter præstitam privilegiis variis donavit, Princeps civium amantissimus, & Pastor ovium vigilantissimus per annos sedis 28. sub Pontificibus Paschale II. Gelasio II. Calisto II. Honorio II. & Innocentio II.

XXVI. ADELBERTVS II. ELECTOR X.

ADelbertus II. Adelberti I. ex fratre nepos, patrui potissimum meritis adscripsit haud immerito sui in Archipræfulem Moguntiæ electionem. Ab Innocentio II. Romam evocatus venit hospes Italij perquam gratus. Conrado III. Cæsari modico tempore contrarius, tantum deinde placuit, ut Adelberti consiliis persuasus Palæstinam cum exercitu petere decreverit; quam expeditionem dum adornare pro viribus cœpit, conatus mors omnes elusit, rapiens annorum 3. Archipræfulem, sedente etiam tum & dolente mortem Adelberti Innocentio II. Pont.

XXVIII. MARCOLPHVS ELECTOR XI.

Marcolphus Aschaffenburgenſis Ecclesiæ Præpositus meritis suis id consecutus est, ut in Moguntiæ solium evocatus tutò sedere potuisset, nisi mors quamprimum fecisset periculum, quæ nimirum citius præcipitavit in tumulum Marcolphum, quām Romā missum impetravit pallium, vix unius anni Elector an. 1142. sub Innocentio II. jam mortuus.

XXVIII. HENRICVS I. ELECTOR XII.

Henricus I. ex Præposito, uti persæpe vocant, majoris Ecclesiæ Moguntinæ propter insignem virtutem magis, quām natales haud illustres, in Electorem delectus, displicuit multis ob rem, ob quam merito placere potuisset: vitia nimirum dum in fœse & subditis præsertim Canonicis detestatus est ardentius, sceleris ipse per summum nefas insimulatus, & à du-

E 3

bus